



RESOLUCIÓN DA DIRECCIÓN XERAL DA ASESORÍA XURÍDICA XERAL POLA QUE SE EXECUTA A RESOLUCIÓN DE 31.01.2018 DA COMISIÓN DE TRANSPARENCIA DE GALICIA E SE RESOLVE A SOLICITUDE DE ACCESO Á INFORMACIÓN PÚBLICA PRESENTADA POR D. MIGUEL ÁNGEL DELGADO GONZÁLEZ

Á vista da solicitude de D. Miguel Ángel Delgado González de acceso á información pública e da resolución de 31.01.2018 da Comisión da Transparencia de Galicia, cabe manifestar o seguinte:

**ANTECEDENTES:**

1. O 14 de febreiro de 2017 tivo entrada no Rexistro electrónico da Xunta de Galicia, solicitude de acceso á información pública de D. Miguel Angel Delgado González ao abeiro da Lei 19/2013, do 9 de decembro, de transparencia, acceso á información pública e bo goberno e do artigo 26 da Lei 1/2016, do 18 de xaneiro, de transparencia e bo goberno, solicitude que quedou rexistrada co número 2017/337568. O 16 de febreiro de 2017 esta solicitude recibíuse na Asesoría Xurídica Xeral, data a partir da cal empeza a contar o prazo dun mes para a súa resolución previsto no artigo 20.1 da Lei 19/2013, do 9 de decembro e no artigo 27.4 da Lei 1/2016, do 18 de xaneiro, de transparencia e bo goberno.

En dita solicitude D. Miguel Ángel Delgado González solicitou:

*“PRIMERO.- Relación completa y actualizada de quienes formen parte del cuerpo de letrados de la Xunta de Galicia y su Asesoría Jurídica, se encuentren en activo, o en excedencia, todos los que tengan concedida cualquier tipo de compatibilidad.*

*SEGUNDO:- Informe de cada compatibilidad de letrados de la Xunta de Galicia actualmente en vigor, en el que se precise la fecha en la que se concedió y actividades que se autorizan.”*

*TERCERO: Esta solicitud forma parte del proyecto de investigación de conflictos de interés anunciado por el equipo multidisciplinar de [www.Pladesemapesga.com](http://www.Pladesemapesga.com) [www.accionytransparenciapublica.com](http://www.accionytransparenciapublica.com) y por si pudiera ser de utilidad, nos remitimos a los múltiples artículos y comunicados emitidos por la entidad de referencia.”*

2. En data de 16 de marzo de 2017 por parte da Dirección Xeral resolveu dar traslado á persoa afectada respecto da información relativa ao segundo apartado da solicitude de acceso ao abeiro do disposto no artigo 27.2 da Lei 1/2016, do 18 de xaneiro, de transparencia e bo goberno, aos efectos de que no prazo de quince días puideran presentar as alegacións que consideraran oportunas.

Nesa mesma data comunicase ao interesado a suspensión do prazo para resolver ata que se reciban as correspondentes alegacións ou o transcurso do prazo concedido para a súa presentación.

3. En data de 6 de abril de 2017 recibíronse nesta Dirección Xeral as alegacións do letrado ao que se remitiu a solicitude de acceso á información, de acordo co disposto no artigo 27.2 da Lei 1/2016, do 18 de xaneiro.

4. Mediante resolución de 6 de abril de 2017, a Dirección Xeral da Asesoría Xurídica Xeral resolveu a solicitude de acceso á información pública de referencia. En dita resolución,ponse de manifesto que a Asesoría carece de “registro específico de persoal propio, centralizándose toda a información do seu persoal no servizo de Recursos Humanos e Réxime interior, adscrito á Vicesecretaría xeral da Conse-





llería de Presidencia, Administracións públicas y xustiza de acordo co disposto no Decreto 72/2013, de 25 de abril, polo que se establece a estrutura orgánica da Vicepresidencia e da Consellería de Presidencia, Administracións Públicas e xustiza”.

De todos modos, aos efectos de responder a petición do solicitante, na resolución indícase, con disociación de datos personais, datos sobre o número de letrados pertencentes a escala de Letrados da Xunta de Galicia que se atopan en activo, en excedencia, ou noutras situacións administrativas. Así mesmo, se lle proporcionou a información solicitada sobre as compatibilidades recoñecidas aos letrados da Xunta, se ben con indicación, exclusivamente, das iniciais de quen tiña reconecida a compatibilidade.

5. D. Miguel Angel Delgado González recorreu a resolución referida ante a Comisión de Transparencia de Galicia o 26 de abril de 2017.

A Comisión de Transparencia resolveu dita reclamación (expediente 039/2017) mediante resolución de 31 de xaneiro de 2018, acordando a retroacción do procedemento respecto da solicitude de acceso á información pública presentada por D. Miguel Ángel Delgado González ao abeiro da lei 1/2016, do 18 de xaneiro, de transparencia e bo goberno de Galicia.

Esta resolución foi notificada a Asesoría Xurídica Xeral o 7 de febreiro de 2018.

6. En cumprimento do indicado nos fundamentos cuarto e quinto da resolución indicada a Comisión de Transparencia, e de acordo co previsto no artigo 19 da Lei 19/2013, de Transparencia, acceso á información pública en bo goberno, a Asesoría Xurídica Xeral deu tramite de Audiencia, con data de rexistro de saída do 2 de marzo, por 15 días hábiles aos letrados da Xunta de Galicia afectados pola resolución.

8. O trámite de audiencia e a suspensión do prazo para resolver prevista no artigo 19 da Lei 19/2013, do 9 de decembro, de transparencia, acceso á información pública en bo goberno, comunicouse ao solicitante con data de rexistro de saída 16 de marzo de 2018.

9. O 19 de marzo de 2018 recibíuse nesta Asesoría Xurídica Xeral solicitude de D. Miguel Ángel Delgado González solicitando certificado acreditativo del silencio negativo producido no procedemento de acceso á información pública derivado do expediente 39/2017, resolución de 31 de xaneiro de 2018 da Comisión de Transparencia de Galicia. Este certificado notificouse con data 12 de abril de 2018.

10. Transcorrido o prazo para o trámite de audiencia, soamente se presentaron formalmente alegacións que reiteraban alegacións xa presentadas respecto da resolución inicial desta Dirección Xeral recorrida ante a Comisión de Transparencia. Estas alegacións xa recibiron resposta na resolución inicial desta Dirección Xeral, ao que nos remitimos, polo que non é necesario reiterar os argumentos que xa se recollían nela e, ao que debe engadirse en calquera caso, que na propia resolución da Comisión de Transparencia de 31.01.2018, cuxa execución constitúe a finalidade última desta resolución, se explicitan os motivos polos que non poden estimarse e aos que tamén nos remitimos.

11. Aos efectos do ditado desta resolución, esta dirección xeral procedeu á elaboración do listado solicitado de letrados e letradas en activo, tendo en conta as últimas incorporacións e cambios de destino da escala de letrados, así como solicitou información á Dirección Xeral de Función Pública sobre o persoal letrado que ten recoñecida a compatibilidade.





## FUNDAMENTOS XURÍDICOS

Primeiro.- A Comisión da Transparencia de Galicia resolveu a reclamación de D. Miguel Angel Delgado González (expediente 039/2017) mediante resolución de 31 de xaneiro de 2018, nos seguintes termos:

*“Primeiro: Estimar a retroacción da reclamación presentada por Miguel A. Delgado González en representación da Plataforma en Defensa del Sector Marítimo Pesquero de Galicia PLADESEMAPESGA con data 25 de abril de 2017, contra a resolución de 6 de abril de 2017, no sentido indicado nos fundamentos xurídicos cuarto e quinto.*

*Segundo: Instar á Dirección Xeral da Asesoría Xurídica da Xunta de Galicia, a que, no prazo máximo de 15 días hábiles, se responda á petición de información solicitada, respectando os límites dos artigos 14 e 15 e o xeito de formalización do artigo 22, todos eles da Lei 19/2013, do 9 de decembro.*

*Terceiro: Instar á Dirección Xeral da Asesoría Xurídica da Xunta de Galicia, a que, no prazo máximo de 15 días hábiles, remita a esa Comisión da Transparencia copia do envío e a recepción da información solicitada polo reclamante.”*

En concreto no fundamento xurídico quinto indícase:

*“En conclusión procede estimar a petición do reclamante e retrotraelo expediente para achegarlle ao interesado a información presentada ante esta Comisión, incluíndo en todo caso os nomes e apelidos das persoas que son funcionarias e funcionarios letrados da Asesoría Xurídica da Xunta de Galicia en servizo activo e o nome e apelidos das persoas que teñen concedido unha compatibilidade. Coas cautelas indicadas no apartado anterior entre as que están o de dar trámite de audiencia a todos aqueles que forman parte do corpo de letrados/as da Xunta de Galicia e a súa Asesoría Xurídica.”*

Segundo.- Como indicamos no apartado de antecedentes, transcorrido o prazo para o trámite de audiencia, soamente se presentaron formalmente alegacións que reiteraban alegacións xa presentadas respecto da resolución inicial desta Dirección Xeral recorrida ante a Comisión de Transparencia. Estas alegacións xa recibiron resposta na resolución inicial desta Dirección Xeral, ao que nos remitimos, polo que non é necesario reiterar os argumentos que xa se recollían nela e, ao que debe engadirse en calquera caso, que na propia resolución da Comisión de Transparencia de 31.01.2018, cuxa execución constitúe a finalidade última desta resolución, se explicitan os motivos polos que non poden estimarse as indicadas alegacións e aos que tamén nos remitimos.

Terceiro.- En relación co silencio administrativo desestimatorio da solicitude de acceso á información pública, certificado por resolución desta Dirección Xeral a solicitude do interesado, debe terse en conta que de acordo co artigo 24.3 da lei 39/2015, do 1 de outubro, “a obriga de ditar resolución expresa a que se refire o apartado primeiro do artigo 21 suxetarase o seguinte réxime: (...) b) Nos casos de desestimación por silencio administrativo, a resolución expresa posterior ao vencemento do prazo adóptase pola Administración sen vinculación algunha ao sentido do silencio”.

Polo exposto

RESOLVO:





## XUNTA DE GALICIA

VICEPRESIDENCIA E CONSELLERÍA DE PRESIDENCIA,  
ADMINISTRACIÓNS PÚBLICAS E XUSTIZA  
Asesoría Xurídica Xeral

Edificio Administrativo de San Caetano, s/n  
15781 Santiago de Compostela  
A Coruña  
Tfno.: 981 545 898 Fax: 981 545 896  
asesoría.xuridica.xeral@xunta.gal

En execución da resolución de 31 de xaneiro de 2018 da Comisión de Transparencia de Galicia, dar traslado ao solicitante dos nomes e apelidos das persoas que son funcionarias e funcionarios letrados da Asesoría Xurídica da Xunta de Galicia en servizo activo e o nome e apelidos das persoas que teñen concedido unha compatibilidade. Esta relación se acompaña como Anexo a esta resolución.

Contra a presente resolución que pon fin á vía administrativa, cabe interpoñer recurso contencioso-administrativo ante o Tribunal Superior de Xustiza de Galicia, no prazo de dous meses contados desde o día seguinte ao da súa notificación, conforme ao disposto no artigo 46 da Lei 29/1998, do 13 de xullo, reguladora da xurisdición contencioso-administrativa, sen prexuízo da interposición de reclamación potestativa perante o Valedor do Pobo no prazo dun mes, en virtude do artigo 28 da Lei 1/2016, do 18 de xaneiro, de transparencia e bo goberno.

Santiago de Compostela, 13 de abril de 2018

O Director Xeral da Asesoría Xurídica Xeral

Manuel Pillado Quintáns





**ANEXO – RELACIÓN DOS LETRADOS E LETRADAS DA ASESORÍA XURÍDICA DA XUNTA DE GALICIA EN  
SERVIZO ACTIVO E DOS LETRADOS E LETRADAS QUE TEÑEN CONCEDIDA UNHA COMPATIBILIDADE**

**RELACIÓN DOS LETRADOS E LETRADAS DA ASESORÍA XURÍDICA DA XUNTA DE GALICIA EN SERVIZO  
ACTIVO**

1. Alfonso García Magariños
2. Ana González de Vicente
3. Ana María López Guizán
4. Antonio Manuel Miño López
5. Beatriz Allegue Requeijo
6. Begoña Escudeiro Soto
7. Carlos Abuín Flores
8. Carlos Fernández Pérez
9. Carlota Tarrío Vilá
10. María del Carmen Rodríguez Mujico
11. Carmen María Salgueiro Moreira
12. Cristina Díaz Carbajo
13. María Esmeralda Mouriz Fernández
14. Fernando Jorge Mora
15. Damian Fernando Juanes García
16. Guillermo Folgueral Madrigal
17. Guillermo Tato González
18. Isabel Álvarez Caramés
19. Isabel Novo Castro
20. María Isabel Torralba Mena
21. Javier Álvarez López
22. Javier Rosado Morón
23. José Carlos López Corral
24. José Liñeira Piñeiro
25. José Luis Benedito Cadórniga
26. Josefina Fernández de la Riera
27. Juan Roberto Barcia Casanova
28. Lorena Otero López
29. Lorena Peiteado Pérez
30. Luis Vázquez Forno
31. Manuel Tomás Fuertes Carballeira
32. María Fernández Paz
33. María Jesús Nóvoa Suárez
34. María José Quintana Acebo
35. Marta Carballo Neira
36. Marta de la Fuente López
37. Marta Dorado Romero
38. Marta Vega Lorenzo
39. Marta Viñas Hyllass-Bermoud
40. Miguel Pérez Maiz
41. Mónica Garrote Rico
42. María Montserrat Jurjo García





43. Natalia Solar Jimeno
44. Orlando Peñas González
45. Pablo José López Paz
46. Patricia Iglesias Rey
47. Patricia Rial Seoane
48. Paula Nieto Grande
49. Paula Ruiz Cotelo
50. Pilar Nieto Tejerina
51. Rafael Álvaro Millán Calenti
52. Roberto Calaza Parajes
53. Sabela Carballo Marcote
54. Samuel Conde Castelo
55. Susana Benedetti Corzo

**RELACIÓN DOS LETRADOS E LETRADAS DA ASESORÍA XURÍDICA DA XUNTA DE GALICIA QUE TEÑEN CONCEDIDA UNHA INCOMPATIBILIDADE**

Letrado/Letra-da	Posto que ocupa	Tipo	Actividade	Data da resolución
Antonio Manuel Miño López	Asesor Xurídico, C <sup>a</sup> de Medio Rural (Santiago de Compostela)	Pública	Profesor asociado T3-P3-Universidade de Vigo (Campus de Pontevedra)	31/08/2017
Marta Vega Lorenzo	Letrada na Asesoría Xurídica Xeral (Santiago de Compostela)	Privada	Psicoloxía clínica (Santiago de Compostela)	10/10/2017
Rafael Álvaro Millán Calenti	Asesor Xurídico, C <sup>a</sup> Sanidade (Santiago de Compostela)	Pública	Profesor asociado, P3- Universidade de Santiago de Compostela (A Coruña)	22/12/2017

Esta información relativa ás resolucións de compatibilidades autorizadas a Letrados e Letradas en situación de servizo activo atópase dispoñible no seguinte enlace, como consecuencia do exercicio das obrigas de publicidade activa da Xunta de Galicia (páxinas 37, 41 e 48 do documento):

<http://ficheiros-web.xunta.gal/funcion-publica/compatibilidades/compatibilidades.pdf>

(Portal de transparencia e goberno aberto da Xunta de Galicia > Inicio > Temas > Información en materia de persoal > Resolucións de autorización ou recoñecementos de incompatibilidade > Consulta das autorizacións de incompatibilidade).

